



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatus De Statu Hominis Morali In Vita Et Post Mortem**

**Opfermann, Paul**

**Moguntiae, 1769**

Angeli occulta cordium naturaliter cognoscere non possint

**urn:nbn:de:hbz:466:1-40701**

nos autem vix & cum magno labore investigamus  
eas, postquam res in actu constant.

8. ¶ Quamvis eximia planè & singularis sit mentis Angelicæ vis & perspicacia, occultas tamen cordis humani cogitationes, & intra animæ substantiam abditos voluntatis actus naturaliter cognoscere non possunt. Hujusmodi enim secretorum cognitionem solius Dei propriam esse, testes sunt Sacrae Literæ. *Tu nosti solus cor omnium filiorum hominum.* 3. Reg. c. 8. v. 39. *Primum est cor hominis & inscrutabile: quis cognoscat illud?* Ego Dominus scrutans cor, & probans renes. *Jerem. 17. Omnia enim corda scrutatur Dominus, & universas Mentium cogitationes intelligit.* 1. Paral. c. 18. Eadem fuit constans Ss. PP. sententia *Quæ in corde hominum insunt* (inquit S. CHRYSOSTOMUS *Hom. 24. in Joann.*) *noste solius est Dei, qui singillatim corda finxit.* Tu enim, inquit, *nosti corda solus* Et ex antiquis nonnulli, Christum esse verum Deum, ex eo confirmabant, quo secretas mentium cogitationes sæpe in Evangelio cognovisse, & patefecisse monstraretur. Inde S. FULGENTIUS contra Arianos disputans, Christum esse Deum ostendit, Cypriani utens testimonio, qui quod Deum esse cordium inspectorem dixerat, id Christo nominatum attribuit L. de *Orat. Dom. dicens:* *Quia Deus, non voces, sed cordis auditor est: nec admonendus est clamoribus, qui cogitationes hominum videt, probante Domino & dicente:* *Quid cogitatis nequam in cordibus vestris* (Luc. 15.) Et alio in loco (Apoc. 2) *Et scient omnes Ecclesiæ, quia Ego sum scrutator renis & cordis.* S. AMBROSIUS in c. 5. *Lucæ: Dominus, inquit,*  
*saluos*

## NATURAE ANGELICAE. II

falso volens facere peccatores, & occultorum cognitione Deum se esse demonstrat. S. AUGUSTINUS Serm. 134. de Temp. loquens de S. Iobus ait: Colebat Deum, faciebat eleemosynas: & quæ corde faciebat, nemo sciebat, nec ipse diabolus; sed Deus noverat. Pariter S. HIERONYMUS in Ps. 16. Diabolus, inquit, in anima intrinsecus nescit, quid cogitet homo, nisi per exteriores motus intelligat. S. THOMAS in illa verba Apostoli I. ad Cor. 11 Quis enim hominum scit, quæ sunt hominis, nisi spiritus hominis, qui in ipso est? ait: nec angelus bonus, nec malus ea, quæ in corde hominis latent, scire potest, nisi in quantum per aliquos effectus manifestantur: cuius ratio accipi potest ex ipso verbo Apostoli, qui dicit eâ ratione spiritum hominis cognoscere, quia in ipso est. Angelus autem neque bonus, neque malus illabitur menti humanae, ut in ipso corde hominis sit, & intrinsecus operetur; sed hoc solius Dei proprium est. Unde solus Deus est conscius secretorum cordis hominis.

Neque Angeli futura libera certè cognoscere naturaliter possunt. Certam enim & infallibilem rerum hujusmodi cognitionem esse peculiarem Divinitatis notam S. Scripturæ perhibent. Accedant, que futura libera, quæ fuerunt, nuntiate, & ponemus cor nostrum, quæ sciemus novissima eorum; & quæ ventura sunt, indicate nobis. Annunciate, quæ ventura sunt in futurum, & sciemus quia Dii estis vos. Isa. 41. v. 22. Et c. 44. v. 6. & 7. Hæc dicit Dominus Rex Israel, & Redemptor ejus Dominus Exercituum: Ego primus, & ego novissimus, & absque